

台州府志

長霖



台州府志卷一百二十五

人物傳二十六 方伎

唐

項容 項洙信

濮陽鵬

南唐

鍾隱

宋

黃樸 陳際叔

葛自得

葉應輔 楊似雲

曹松泉

陳萬卿

趙師宰

羅一新

薛留耕

趙與慶

元

林愷祖

潘秋崖

林邦獻

陶復初 從子宗暹

范守中 陳謙

陳立善 子處亨

衛九鼎 魏照磨

葉晷 父可觀

葉孝墅

郭明遠

陳岳

林益道

戴胃

王毅

何心泉

胡振卿

胡克明

施敬仲

胡德完

董仲載

毛德齋

明

楊仁壽

王寓

林師度

鮑世昌
陳元用

裴日英

徐仲遠

陳仲靖

求孟直

求篤

王時中

詹君

趙叔戚

王伯銘

陳顥

王慶賜

洪益中
韓仲修

胡宗亮
王曩

葉尙綱

李存聲

周景一

陳宗淵

蕭本器

王奇

潘爵

裘魯恭

鍾希哲

項山人
何適

王乾

陳雙峯
姜斐

袁滋

木軒

項廉

金子思
澹政

思牧
章承贊

戚復泰
王榮秀

李岳祥
陳激

黃恕

孫斐

王良明

子少存
侯醫

郭瑗

陳允謨

林旺

應春谷

謝友鼎

從子昂

邱良仁

婁廷璜

黃裳

賴國賓

鄒元緯
朱鼎

趙景芳

彭應榮

李可書

張鳳來

朱光紹

王梅夫

王倭

周世隆 金之演

邱秉藩 從子世清

邱貫

從子審之

陳振琦 王牟

炯瑤

金之昌

趙之策 吳挺

李慎齋

王朝請

子允昌

葉伯清

陶養恆

子端 方慶 雍

齊鎔

袁日啓

子璜

邱九思

國朝

王名世

蔡應龍 王先培

汪永綏

葉士賢 洪瑞

季爾玉

郭承論

孫光華 謝惟臨

黃應垣

蔡元鎔

章荊生

楊先生

方略

陳先行

沈光都

陳琅音

子沆 朱桓

韓夢篆 周介人

林啓鏞

夏子俊

葉世清

孫啓蛟

金廷清

金章

黃傳 璉

陳之傑

許川

孫金鉉 文林

金起 金鉉子

汪霖

龐漢章

葉濤 邱彬 昌

戚振鳶

學濬 學文

張兆圻

胡日璞 朱芬

孫苞

凌世景 滄湛

凌宗照 張振甲

齊式綫 潘錦堂

許傳儒 葉彥

許宗潤 齊楷

齊傳燧 齊其儀

葉庭芝 齊淮

汪湛

阮風會 陳泰華

陳育泰

邵蘭雪

楊家雅 鄭蘭

張藻

王會圖

金城

金沁 胡照 藩

花舒 陳松 慕

淞弟陳洛書

陳岫林

陳鳳山

王瑞庭 李宗潤

許青標

張景山

趙夢齡 符式

徐東陽

王如華

方絜

張颿

槐寅

符簡

吳夏

璚璚

傅濂

夏鄭

松泌

高鳳藻

郭翰

馬桂榮

林藍

麻炯

王模

王于震

黃河清

嚴紹棟

王介石

方文翰

胡辰

應俊

沈國才

子馨山韶

梁山芬

族子奏

韓士良

陳玉蘭

趙雲龍

曹壽人

唐

項容天台處士

張彥遠歷代名畫記

善畫山水

管作松風泉石圖筆法枯梗而少溫潤然挺特巉絕自是

一家

元夏文彥

圖繪寶鑑

王默

嘗師之

名畫

宣和御府藏有松風圖寒松漱石圖

宜和譜

又有項洙項信俱

台州人皆以畫水墨名方干題洙畫水墨釣臺詩云畫石畫松無兩般猶嫌瀑布畫聲難雖云

智慧生靈府要且工夫在筆端觀信水墨詩云少年師祖過今祖異域應傳項信名又有送水

墨項處士歸天台詩云仙嶠信分元化工揉藍翠色一重重還家莫更尋山水自有雲山在筆

鋒

元英

集

濮陽鵬自稱天台散人有乾符六年烈武廟銀香爐銘筆勢奇勁如盤鈎屈鐵宋楊彥齡宰武

進時曾訪得之

楊公

筆錄

五代

鍾隱字晦叔天台人少清晤不嬰俗事好肥遯嘗卜居閒曠結茅室以養恬和之氣

劉道醇五代名畫補

遺

工畫鷺鳥竹木師郭乾暉深得其旨乾暉始祕其筆法隱變姓名趨其門服勤累月乾暉不

知其隱也一日隱緣興於壁上畫一鷄子人有報乾暉者亟就視之驚曰子得非鍾隱乎隱再

拜具道所以乾暉喜曰孺子可教也乃善遇之遂馳名海內

圖畫見聞誌

隱畫高淡簡遠工於用墨

筆跡渾成外無稜刺木身鳥羽皆用淡色意就而成

李廌畫品

所畫鷺禽棒棒棘能以墨淺深分其向

背兼工山水人物

圖繪寶鑑

其畫在江南者悉爲南唐李煜所有煜親筆題署以璽識之

王氏畫苑

宋郭

祥題王元當家藏隱畫三害圖詩所謂老鍾筆法何奇古三害精靈一圖聚江南印璽尙如新

國破蒼茫畫誰付是也

青山集

宋

黃樸臨海人自號白雲山人以蕪游四方推人始生歲月日辰攷步五行五星知其性行氣骨貴賤壽夭輒奇中嘗謁孫應時一日閱數十人道往事悉驗應時友葉養源久困場屋樸曰是來歲必第進士及言陳用之亦然至餘人或輕銳自負或郡士所推許樸皆未可明年皆如其

言樸爲人疎野喜面折不顧忌不伺人辭色爲高下或逢盛怒終不改久而皆信又時時能切
指心術行事得失爲勸戒不與他日者比

燭湖集贈日者黃樸序

又有陳際叔黃巖人儒家子少而喜游

能相人其術亦奇際叔爲人倜儻有直氣坐逢鄙夫俗子瞪目拂衣不語徑起雖大官貴人盛
氣勢邀致欲其陽浮諛悅不可得孫應時稱其能不敗於利欲不陷於卑辱故其術精明能過

人

燭湖集送陳際叔序

葛自得字資深黃巖人世儒家蓄書千卷皆祖父手筆自得兼通數術喜爲方所處療十得八
九迎師數百餘里以教二子費盡出爲醫子長自能向學則謝醫不復行田園甚狹力治不少
惰人頗笑之則曰古人言方寸地謂此心也吾得留遺子孫足矣何以多爲因名其居曰留耕

永嘉葉適爲之記復銘其墓

水心集

葉應輔字子儀黃巖人嘉定十年進士第

嘉定志

歷校書郎右司諫知明州終敷文閣待制爲臨

海王滋弟子後滋子復又轉師之

台州外書

侍郎王居安稱其文可壽世

嘉慶太平志

居城中與楊似雲

同巷楊善章草應輔工行書時有呼所居爲草行巷

台州外書

其卒也杜範有詩輓之

清獻集

似雲字

伯雄登慶元五年進士第官通直郎

嘉定志

曹松泉天台人攝棗陽倅日穆陵遣賜督府詩字可尺許松泉乃效李陽冰篆作一圖以和又

以古篆文十二冊爲侑皆江南之所未見者

書史會要

陳萬卿黃巖人習儒術能醫宜春趙守盛稱之著有本草折衷戴復古贈以詩云藥物辨真僞

方書通古今有時能起死一劑值千金

石屏集

趙師宰字牧之號隨庵臨海人登真德秀門學墨竹得徐熙之妙

圖畫寶鑑

羅一新寧海人

台州外書

以星度之學推人壽夭亨窮如指諸掌紹定時薄游閩浙真德秀作敘贈

之

真西山集

薛留耕台州人以醫名與黃震交震自台歸留耕送之蓼溪震贈以詩曰舉世滔滔病一貪君

攻醫學獨曾參十年州館無私謁萬里交情祇雅譚殿上呼盧終喝六歲寒論友更無三天公

有意君知否歸看青蔥四五男

黃氏日鈔

趙與慶號草堂黃巖人精歧扁術人有疾求治無不立愈一日有惡疾人臥道中穢甚行者皆

避之與慶獨就前爲診視曰六脈延延必是大仙其人卽就以二鍼忽不見自是其術益精

雍正

通志引
舊縣志

元

林愷祖字景仁黃巖人今隸太平平江書院山長精醫小兒雜證得其診視無不立愈相傳嘗

得神授保嬰祕方以幼科名世

乾隆縣志

潘秋崖佚其名天台人三世傳青鳥術戴表元贈以詩有老潘雙眸如紺珠帶以秋陽朝露之

清腴山形水態出沒千百變經君指顧不得藏錙銖之句

剡源集

林邦獻天台人爲尙醫省親歸柯九思送以詩云嘗藥事親師華扁玉函方祕得真傳采芝曾

劇瓊臺月煮朮時飄碧海煙幾載尙醫留帝里一朝歸省上江船五雲閣吏今華髮爲報桃源

洞裏仙

台州札記

陶復初字明本號介軒黃巖人上虞典史煜之弟官台州儒學教授贈從事郎溫州樂清縣尹

小篆師徐張古隸師鍾梁

書史要會

畫師李薊邱父子墨竹及著色竹甚工亦能山水

圖繪寶鑑

從子宗

暹一名文昭字晉生官江浙儒學副提舉楷書學歐陽率更

書史要會

書畫並擅一時

續宏簡錄

同縣姚

雪心畫墨竹宗文湖州

圖繪寶鑑

范守中失其名黃巖人博綜羣籍才行高潔書師趙孟頫州里碑多出其手又天台陳謙字伯

謙正書師虞永興書史張誣至正間爲廣東憲曹亦能書廣州府至聖像碑右有誣八分書東

金石略

陳立善黃巖人至正中爲慶元路照磨工墨梅與會稽王冕齊名子處亨號方山有司累以遺

逸薦不就墨梅妙得其傳程敏政陳處士顗墓志孫顗自有傳

衛九鼎字明鉉天台人界畫山水師王孤雲畫史魏顒字伯昂亦天台人工山水書畫譜又有吳

照磨佚其名迺賢題其所畫墨梅云天台吳架閣京下憶尋梅倚杖月中立思君江上來夜深

憐雪落香動覺春回獨坐溪邊石晴雲滿綠苔台郡識小

葉昏字清友天台人父可觀嘗寫元帝御容被命爲提舉梵像監昏紹其家傳爲楊維禎寫鹿

冠吹笛之像於五湖間見者謂得其神明非徒形骨不在顧長康下楊維禎送寫真葉清友序

董孝墅天台人好學善楷書能鍊金石草木爲丹劑甚精妙夷白齋集

郭明遠臨海人書法仿歐陽詢如端人正士不苟步趨黃瑞台州書畫識康谷有徐府君廟碑爲明遠

正書兩浙金石志

陳岳字申甫不著里籍隱居黃巖委羽山善書畫陸樹聲題跋岳守道自高間出遊闔閭中人問其

里居則指山示之嗜學能詩文所爲書畫落筆過人有道德經注及元牝賦

胡宗賢委羽山志

林益道號心月黃巖人四歲讀書日記千言十五歲當七夕與羣兒戲浴江湄有一叟置蓋於水亂流而濟衆莫見惟益道指示羣兒叟以手摩其目曰好眼好眼歸卽雙瞽臥病二年叟復至其家授以祿命書鄰人爲之口授一簡其字卽滅自是語禍福無不奇中

雍正通志引舊縣志

戴胃字養和黃巖人通周易精推驗測究之法醫藥兵刑律歷皆習知之自奇其才走燕京謁左丞帖木兒一見語相投留教其子時以計干之帖木兒輒稱善號之曰鵬飛先生將薦於朝胃以數推之知中原將亂遂以母老辭歸益攻其舊學曰吾非不欲聞達吾才非不如人然而不得者有命也已而亂果起至正二十三年卒年七十三

宋廉撰墓志銘

王毅字伯宏號松巖黃巖人今隸太平兄均金妙達象緯以天文火星守三台決台郡有兵已而果然毅博學亦長風角一日與秦不華避暑荷亭見少女風起樹上曰大水至矣果大雨幾至沈竈至治間薦授福州教授遷徽州路蒙古學正旋謝病歸子遵道有隱德世稱南柯先生

嘉慶太平志

何心泉天台人宋太學博士瓜隱孫家有六宜樓延海內名儒講習傳玉平山人相地術遊京

師楊維楨爲作傳稱其闡河洛之祕藏識乾坤之妙用非恃狐首指蒙書以虛喝愚人售其術

者

台州外書

胡振卿天台人性聰敏通陰陽術數之學任本縣陰陽學教諭卒年九十

正德縣志

胡克明天台人元季以善醫稱賴以起廢生死者不可勝計曹文晦有詩著有脈經傳於時

正德

縣志

施敬仲臨海人精醫本脈法治病應如桴鼓括蒼葉仲剛病肢體不隨醫以爲迴風療之不愈敬仲以火劑飲之不旬月病良已人請其故曰其脈大而徐是積熱盤鬱於內久不能發卒與

風遇其病當作吾以脈法治之而愈何神爲朱右有贈敍

白雲稿

胡德完字叔大天台人父如翁有詞賦才氣岸超邁以醫行德完少負羸疾有志讀書父母以岐黃之術有裨於衛生俾習家學時宋亡未久有深於其術而職業禁廷者咸退居田里其父好結交名勝悉延致於家講求虛實補瀉之法德完盡得其祕用是醫名日振而志務濟人不以富貴貧賤二其心既授藥寢食不自安必候病家告愈始有喜色酬以金不受德完善事父母與兄弟盡友恭接人待物和氣藹然卒之日會葬者千數百人皆盡哀子五人長鉢以文學

薦擢龍江場宣課提舉副使精地理學

始豐稿杏所翁墓碣

董仲載天台人精地理之學本撼龍經用山龍脈絡形勢配以九星而決休咎尤神於點穴倒杖之法元季客遊四明倪道原深敬禮之宋元僖賀溪卽事詩所謂三冬曾下榻猶憶董山人是也

台州外書

又有毛德齋佚其名臨海人世爲龍奧大家以儒顯德齋聰慧有識讀書燭理嘗侍

其父平遠翁游湖海間得地理祕傳其龍穴圖經與郭氏之說合朱右嘗作原葬以贈之

白雲稿

明

楊仁壽號漁隱天台人明春秋學會元季科舉制罷兵燹既作挈家松江遂占籍陶溪

張汝弼東海集

跋漁隱遺墨後

與冀李暉無錫華文瑾松江姚汝嘉號陶宅四隱

江南通志

仁壽自少落落有奇氣字學鮮

于樞而得其風韻子景和洪武間應人才舉拜東昌守坐事罹重典仁壽亦戍邊值邊帥亦習鮮于字或薦仁壽於帥帥方作字仁壽進曰作豎筆不得法帥擲筆怒曰汝書之仁壽舉筆一揮帥不覺歎服更出名紙數十繙索書且問所欲仁壽曰欲歸死鄉里耳帥許諾尋歸陶溪歿年八十七

張東海集

同縣王寓洪武時上舍生亦能書并工篆四明大梅山護國寺有寓所書碑

台州

書外

林師度字文憲號散軒黃巖人今隸太平受書易於陳鏗翁兼善鍾隸八分賈指揮以經明行修薦授開封中牟簿平遠侯以幣聘爲父鎮守鳳陽尹國公書碑誌改福建甌寧簿釋縣民張氏兄弟冤獄當事方論薦卒於京邸同縣鮑世昌字仲蕃先仕元爲行樞密院都事工詩畫人爭重之明初薦起爲章邱縣丞

嘉慶太平志

陳元用字楚賓號石盤洪武六年薦授泗洲學正陞南

昌教授以楷書名

李成經方城遺獻

裴日英字文璧天台人善詞翰精繪事著色花鳥悉臻其妙墨菊坡石尤不可及

朱謀塹史會要

嘗

挾其所長游浙東西士大夫爭與交久留錢塘杭守薦於朝日英有竹癖所居必擇有竹者扁其室曰竹塢幽居京師市廛無從得竹而日英揭其故名不廢且求能言者詠歌之

宋廉竹塢幽居詩序

徐仲遠天台人以七曜四餘推人生禍福無不驗劉基異之贈以序

誠意伯集

陳仲靖天台人隱於醫釋來復嘗送以詩云白髮侯門懶曳裾買山東向赤城歸折腰五斗辭微祿繫肘千金得異書玉露桃花和露種石田芝草帶雲鉏也知醫國終爲用四海瘡痍待掃

除

浦庵集

求孟直佚其名天台人受醫學於其婦翁胡克銘以術聞州里專以濟人爲務貧者不受直洪

武七年朝廷命有司選精通醫術者爲醫學官孟直授天台縣醫學訓科初被召入都時孟直

以親老憂庭前白菊忽吐黃華人以爲瑞爭賦詩賀之王叔英爲之序

靜學集瑞菊軒詩序

求篤孟直之

族也字原信亦從克銘學既又卒業於其族父仲厚按尺寸能知生死十中八九

天台人物備攷

嘗爲

其縣醫學訓科

正德縣志

尤能詩草書有晉人意卒年八十三侍郎杜寧狀其行

人物備攷

王時中臨海人精究靈樞素問之奧於人身俞穴脈絡見之了了遇病處劑無不效容貌簡寂

如儒者其學通天人兼子史包羅恣肆人莫能測蓋以技術自託者

遜志齋集

同縣詹君佚其名悃

悃無華精岐黃術嘗游錢塘歸其從子居文率諸公賦詩爲贈

王忠文集

趙叔戚黃巖人今隸太平究心醫術以活人爲務嘗慕董奉之爲人種杏於所居洲上王叔英

爲之記

靜學文集

王伯銘天台人

劉廌盤谷集

性不羈好讀書放浪山水與好事者縱飲忘形大言造玄微與人交淳

淳誠實言行相顧能陰陽地理之術其取用與時輩不同休咎昭昭有驗嘗謂天地鬼神之神祕

不可得而言亦不可不言人有就之者輒避去不交語或不意扣之則又極言無隱人皆知其

爲有道之士然卒莫得其要因以狂夫名之乃怡然受之曰此固善名我者也古之狂也直吾

豈媿於古人耶劉誠意伯基子璟爲作狂夫傳

易齊傳

璟從子鴈爲賦狂夫歌

盤谷集

陳顥字允甫黃巖人處亭子天性純至喜學問事親極孝哭父幾喪明年七十奉母馮猶定省不倦初其祖父兩世皆工墨梅顥每見手澤悲不已因自號悔梅晚以醫名浙東與弟顥共炊

至老不間鄉先達教諭陳廷省學錄張存粹皆重之常曰陳君行端篤孝人也文字博洽喜騷

選三子慷簡懽皆有名

程篁墩撰墓志

簡字希簡

康熙縣志

成化十三年舉人

宏治志

官婺源教諭

墓志

博涉羣

書以詩文爲名流所許三應校文之聘輿論稱其得人爲程學士敏政所重

康熙縣志

懽亦善醫工

墨梅先父一年卒

墓志

王慶賜初名伶

楊榮兩京類稿

字希貢臨海人永樂時歲貢仕終工部郎中

台州書畫志

有柯處士墓

誌銘在縣治東南百四十里爲慶賜正書筆法在顏柳間

書畫志

同時以書名者洪益中天台人

由歲貢官中書舍人陞大寺理正

正德縣志

同修國史有黃巖蘇氏祠堂記石刻

書畫志

胡宗亮仙居

人以楷書應舉官知府葉尙綱韓仲修俱寧海人永樂四年同以楷書舉尙綱官保定同知

康熙

又有王曩字一卿號瘦石臨海人能篆隸兼精醫

書畫志

王氏家傳

李存聲黃巖人今隸太平少攻舉業棄去習軒岐術治病多應手效從弟匡病目百醫罔療存

聲往視曰目具一身之精通五藏之竅病則赤脈貫瞳勢乘心也努肉攀睛勢乘肝也古人云火鬱發之木鬱達之宜針手少陽以瀉三焦之火針足少陽以疏膽府之熱爲針數處兩目霍

然

台州外書

周景一臨海人性耽山水得青囊之祕人以地仙稱著有地理指迷四卷

吳卿瞻地理指迷序

陳宗淵名濬以字行天台人父好智元副萬戶

楊東里集

宗淵能書畫

繪林伐村

給事翰林文廟嘗選中

書舍人二十八人專習義獻書以黃淮領之一日帝問淮諸生習書何如淮對以勤因言翰林

有五墨匠陳宗淵者亦日習書然不敢儕諸人列但跪階下臨揭頗逼真因呈其書帝覽之喜

甚曰此何鄉人對曰越陳剛中之後帝素聞剛中名改容久之令與二十八人同習書命有司

脫匠籍

劉昌懸笥瑣探

授中書舍人

宏治志

陞刑部主事年六十嗜學彌篤名其齋曰進修楊士奇爲之

記稱其老不忘父之訓老不忘學貴不忘學學不戾於聖人之旨一身具有四善

東里集

蕭本器天台人善畫竹得丹邱遺意見知於楊士奇

風雅遺聞

士奇嘗題其所畫竹云愛爾清堅比

玉琳青春黃卷好留心林間石屋無多事一寸光陰值萬金爾家瀟灑自天台山遶溪環石作

臺老我會扶蒼玉杖尋幽重度葛陂來

東里集